



Sesida dals

16 d'avrigl 2019

Communitgà ils

18 d'avrigl 2019

Protocol nr.

275

### Dumonda Tomaschett (Breil)

concernent l'augment il pli grond da plazzas da lavur en il chantun Grischun

#### Resposta da la regenza

Cumparegliaziuns interchantunalas ston vegnir recepidas cun resalvas spezialas. A quest fatg ha la regenza gia rendì attent en sia resposta dals 7 da mars 2014 a la dumonda Nick concernent las expensas dal stadi. Per la cumparegliaziun dal svilup da las plazzas da lavur dals chantuns che "Schweiz am Wochenende" ha fatg stuessan tranter auter vegnir resguardadas las differenzas tar la repartiziun da las incumbensas tranter il chantun e las vischnancas, las incumbensas ch'èn vegnidas excorporadas sco er las surdadas al chantun. Il svilup da personal tar il chantun è fitg different tut tenor la repartiziun da las incumbensas. En il Grischun ademplescha il chantun differentas incumbensas che demussan in svilup dinamic areguard las plazzas (asil, segirezza, protecziun d'uffants e da creschids, segirezza sociala).

*Tar la dumonda 1:* "Schweiz am Wochenende" ha duvrà las datas publitgadas en il rapport annual da la regenza 2008 ed en la missiva tar il preventiv 2018. Il departament da finanzas e vischnancas (DFV) ha rendì attent la redacziun che questas duas cifras n'èn betg cumparegliablas ina cun l'autra pervia da midadas dal sistem. En spezial èsi vegnì renvià a la midada da la moda da dumbrar en il rom da l'integrasiun da las forzas auxiliaras en il plan da plazzas l'onn 2015.

*Tar la dumonda 2:* L'augment da las plazzas da lavur per 44 pertschient cumprovà en la "Schweiz am Wochenende" è senza expressivitat. Ils 2168 equivalents a temp cumplain (FTE) cumprovads per l'onn 2008 resguardan mo las collavuraturas ed ils collavuraturus inscrits en il plan da plazzas. Ils onns 2015 e 2016 èn las forzas auxiliaras e las emprendistas ed ils emprendists vegnids integrads en il plan da plazzas. Il dumber da plazzas è creschì per 544 FTE senza ch'ils custs da personal sajan s'augmentads. Ils custs da personal (en miu. francs) èn sa sviluppads dapi l'onn 2008 sco suonda:

2008	2009	2010	2011	2012	2013	2014	2015	2016	2017	2018	08-18	08-18 in %
318	325	333	343	345	349	356	359	363	376	381	63	19,8%

*Tar la dumonda 3:* Las plazzas che vegnan creadas vegnan mintgamai cumprovadas en moda transparenta en la missiva tar il preventiv. Guardà en moda cumulada èn las suandantas plazzas vegnidas permessas cun ils preventivs 2009-2018 en las unitads administrativas (UA) cun in augment da dapli che 10 FTE:

Unitad administrativa	FTE	Motivaziuns principalas
polizia chantunala	68,4	rapport da polizia 2010, surpigliada d'incumbensas da polizias communalas, polycom, center da controlla per il traffic pesant Mesolcina e.u.v.
uffizi da migraziun	55,4	svilup tar l'asil e l'integrasiun, documents da legitimaziun biometrics
dretgiras regionalas	55,3	chantunalisaziun da las dretgiras districtualas

APUC	40,5	realisaziun dal dretg da la protecziun d'uffants e da creschids
administraziun da taglia	32,2	surdada da la taxaziun a la funtauna, center da scan e.u.v.
uffizi da sanadad	17,5	surpigliada dal ZEPRA sco er da la centrala dal clom d'agid sanitar (centrala 144)
uffizi per la segirezza da victualias e per la sanadad d'animals	14,4	lescha davart ils fatgs veterinars, execuziun d'incumbensas dal chantun Glaruna
uffizi d'informatica	12,6	strategia e segirezza concernent l'informatica, rinforzament dal support central (per part en chasa), gestiun dals systems e.u.v.
procura publica	12,5	realisaziun da la refurma da las dretgiras
uffizi da cultura	11,2	puncts centralis da svilup, museum d'art dal Grischun
uffizi dal servetsch social	10,6	plazzas da lavureras socialas e da lavurers socials

Sch'ina piazza na vegn betg occupada durant l'onn, en il qual ella è vegnida permesa, po ella – pervia da la gestiun basada sin ils custs – puspè vegnir stgaffida durant ils onns suandants resp. vegnir quintada duas giadas. La tabella mussa ina creschientscha efectiva dals FTE ch'è memia gronda. Ella na mussa er betg l'aboliziun da plazzas.

*Tar la dumonda 4:* Da l'augment da plazzas han er profità fermamain las regions. Plazzas èn vegnidas stgaffidas tant a Cuira sco er en las regions. La APUC, incumbensas en il sector da la segirezza sco ils centers da controlla per il traffic pesant ed ils centers d'asil èn exempels per plazzas ch'èn vegnidas stgaffidas en las regions. Pervia da la dischlocaziun procura il stabiliment per l'execuziun giudiziala Cazas Tignez in grond augment da plazzas en la regiun Viamala a partir da l'onn 2019. Indicaziuns complementaras en chaussa cuntegna la resposta da la regenza a la dumonda Casutt-Derungs concernent il svilup da plazzas centralas e decentralas tar l'administraziun chantunala dals 16 d'avust 2016.

*Tar la dumonda 5:* Ils custs da personal vegnan reglads a maun da las directivas da la politica da finanzas. L'augment da la summa dals salaris vegn suttamess al cussegl grond mintgamai cun la missiva tar il preventiv. La creschientscha da la summa dals salaris relevanta per la valor directiva è limitada ad 1 pertschient per onn. Questa regulaziun surordinada è sa cumprovada.

*Tar la dumonda 6:* Dapi ch'il cussegl grond ha prendi enconuschientscha da la strategia chantunala d'immobiglias l'onn 2010 (missiva carnet nr. 6/2009-2010) è il dumber da collavuraturas e collavuratur s'augmentà pass per pass. Quest svilup n'ha nagina influenza sin la realisaziun dals nov centers administrativs regionalis. Il svilup influenzescha però la surfatscha utilisada e la dimensiun dals centers. In'ulteriura influenza ha il svilup en direcziun da plazzas parzialas. Pervia da questa tendenza crescha il dumber da collavuraturas e da collavuratur pli svelt ch'il dumber da plazzas. Per garantir las plazzas da lavur necessarias èn vegnidas fatgas concentraziuns dal dumber da plazzas, e biros èn vegnids prendids a fit en singuls lieus.



En num da la Regenza

Il president:

Il chancelier:

Dr. Jon Domenic Parolini

Daniel Spadin